

# Сургъульчнрин бригадсин хургуд

Цуг танъгъчар сургъульчнрин производственн дамшлт даслгъна нуурт йовгч бригадсин хург болдж йовна. Райондин ик зуугъарнь эн хургуд кӱдлмшӱн тӱгскдж йовцхана.

Цуг дундин болн долан джилӱ сургъулин школмуд эн хургудт орлцджацхана. Тер мет совхозин болн колхозин гардачнр, селӱнӱ эдл-ахун специалистнр, партийн болн комсомольск организацсин элчнр хургин кӱдлмшт сонъмсдж шунмгъагъар орлцджана.

Эн хургуд деер 1957 джилд школмудин производственн бригадсин кесн кӱдлмшин дигмӱдин тускар кӱундвр кегдӱд, 1958 джилд кех кӱдлмшин зура темдглгдджӱнӱ.

Селӱнӱ эдл-ахун производственн дамшлтг сургъульчнр даслгъна ик чнрин тускар, олд кергтӱ производственн кӱдлмшин аац дасххин болн кӱч-кӱлснӱ сургъмдж дасххин тускар эн хургудт кӱундгдджӱнӱ.

Ниднин джил танъгъчар кӱдлсн сургъульчнрин производственн бригадс танъгъчин колхозмудт ик ургъц ургъадж авхднь зӱвӱр дӱнӱ болцхав. Яшалтинск района сургъульчнрин производственн бригадс гектар болгънас 70 центнер хавст ургъадж авцхав, зурагъар 100 центнер томат авх газрас, 165 центнер ургъц авб, 80 центнер агъурцг авх газрас 112 центнер ургъц хурадж авб.

Колхозмудт дӱнӱ боллгъна халхар, сургъульчнр 10 гектар газрт шинӱс виноградин модд суулгъад, 20 гектар виноградник ясв, 8 гектар газрт сад шинӱс суулгъад, 26 гектар хуучн садмуд ясв, 7000 центнер солом скирдлӱд, 1272 центнер силос гӱвцхӱв. Эн района сургъульчнр ут тоодан 16.800 кӱч-кӱлснӱ ӱдрмӱд шинӱгӱцхӱв. Эн района „Новый мир“ колхозд шунмгъагъар кӱдлсн Яшалтинск дундин школин сургъульчнрин производственн бригадин 23 члед Москва болн Кавказск кесг балгъслар экскурст йовцхав.

Сургъульчнрин бригадин кӱдлмшт ӱзгдсн кӱчр тӱрӱ йовдлмудин тускар Каспийск района дундин школин сургъульчнрин производственн бригадин бригадир Карпов келв. Эн сургъульчнрин бригадт колхоз гаргъдж ӱгсн газрнь

кесг джилдӱн хагългдад уга, ургъц ургъшго гигъӱд хайчкесн газр бӱӱдж. Тиигӱд мана сургъульчнр эн газриг джӱблдкдж кесг саамлдж ӱвсинь тӱӱдж ик зовлнь ӱзцхӱв. Тер бийнь бидн сӱн ургъц ургъадж аввди. Нам кезӱ чигн ӱунд тӱрдж ургъадго, гидж тоолгдлг мӱнъгрс тӱрдж ургъадж аввди. Тӱрӱн дарудан колхозмуд сургъульчнрин производственн бригадсиг дала кӱт тоолсн уга, тер учрар чигн колхоз „Каспиец“, бийснь ӱлдж болшго гигъӱд кезӱ хайчкесн газран сургъульчнр заадж ӱгв—гидж ӱр Карпов тер хург деер шалгъдж келв.

Сургъульчнр сургъулин болн производственн дамшлт даслгъна чнр онгӱн эс ӱгсн эдл-ахусин гардачнриг эн хургуд деер сӱнӱр шалгъдж келцхӱв. Яшкульск района „Кировский“ совхозин директор ӱр Землянский, сургъульчнрин бригадсин кӱдлмшт дӱнӱ боллго, хамг кергтӱ тоот эваргъинь олдж ӱглго бӱӱсн учрар, Яшкульск дундин школин сургъульчнрин производственн бригад 18 хонгт кӱдлчкӱд тӱрдж одв.

Сургъульчнр производственн дамшлт даслгънд орлцдж кӱдлгън, сургъульчнр сургъулин шунмгъагъар дасхднь, школд бийӱн сӱнӱр бӱрлгънд ик нӱкд болв.

Ниднин джил сургъульчнрин производственн бригадт кӱдлсн кӱвӱд-кӱӱкд дундас сургъулан муугъар дасджа, школин диг-дара эвдджӱх сургъульчнр уга.

Цуг дундин школмуд болгънар, долан джилӱ сургъулин школмудин ик зууднь сургъульчнрин производственн бригадс бӱрдӱхми гидж эн хургуд деер шиидврмӱд авгддж йовна. Приозерн районд бӱн Элст балгъснд тосхлтин бригадс бӱрдӱгдджӱнӱ, школин мастерскойс тосгъхд болн школмудин ясврт эн бригадмуд ик нӱкд болхми.

Селӱнӱ эдл-ахун культур тӱрдж ик ургъц хурадж авх, сад болн виноградникӱд суулгъх, олна мал-агъруснд хот белдхин тускар болн нань чигн олн зӱсн кӱдлмшӱр эн хургудт орлцсн улс ик даалгъвр авцхав.

И. ШАНТАРОВИЧ,

В. СЕРЫХ,

танъгъчин эрдм-сургъулин  
отделин инспектормуд.